

PASQUA 2024

El prim dì de la setimana, la Madalena,
l'andava de pressa, col coer in pena,
a cercà 'l sô Signor in on giardin
doe, 'pena mort, l'even sepelì perché visin.
Ma 'rivada a la tomba, el gh'era pù:
"Chi l'avriss mai portà via 'l me car Gesù?"
La piangeva disperada, la poerina, quand l'ha sentù
Ciama 'l sô nom: "Maria!" e la s'è voltà indré:
e Lu l'era lì, bel e viv, bel drizz in pé!
Oh! Lu l'era viv! Ma l'è risusitada anca lé!

Mia cara gent: l'è nô inscì anca per num:
sentiss ciamà per nom a vun a vun,
sentiss voré ben dal nost car Gesù
cont'ona gran voeja de brascial su?
Se l'è nô inscì che Pasqua l'è mai?
Chi me tirarà foera di noster guai?
Chi me darà la pas che 'l m'ha prometù
Risort e viv per semper el nost car Gesù?\

BUONA PASQUA!

Don Arnaldo